



Broj: 01-102/14
Vareš, 31.03. 2014. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 22. Statuta Općine Vareš – Prečišćeni tekst, broj: 01-162/12 od 11.09.2012. godine, Općinsko vijeće Vareš na 17. sjednici održanoj 31.03. 2014. godine, d o n o s i

O D L U K U
o utvrđivanju visine naknade članovima Upravnih odbora
Javnih ustanova čiji je osnivač Općina Vareš

Član 1.

Ovom Odlukom utvrđuje se visina naknade za rad i angažman predsjednika i članova Upravnih odbora Javnih ustanova čiji je osnivač Općina Vareš i to za:

1. JU „Dom zdravlja“ Vareš,
2. JU Centar za socijalni rad Vareš,
3. JPU „Dječiji vrtić“ Vareš,
4. JU Opća biblioteka Vareš,
5. JU Centar za kulturu i edukaciju Vareš.

Član 2.

Visina naknade utvrđuje se za sljedeće organe Javnih ustanova:

1. Predsjednike Upravnih odbora i
2. Članove Upravnih odbora.

Član 3.

Naknade za rad predsjednika i članova Upravnih odbora Javnih ustanova utvrđuje se u sljedećim iznosima:

1. JU „Dom zdravlja“ Vareš
 - a) za predsjednika Upravnog odbora 80,00 KM
 - b) za članove Upravnog odbora 60,00 KM
2. JU Centar za socijalni rad Vareš,
JPU „Dječiji vrtić“ Vareš.

- a) za predsjednika Upravnog odbora 50,00 KM
 - b) za članove Upravnog odbora 40,00 KM
3. JU Opća biblioteka Vareš,
JU Centar za kulturu i edukaciju Vareš.
- c) za predsjednika Upravnog odbora 50,00 KM
 - d) za članove Upravnog odbora 40,00 KM

Član 4.

U slučaju službenog putovanja u svojstvu predstavnika Javnih ustanova, predsjednici i članovi Upravnih odbora imaju pravo na dnevnice i troškove službenog putovanja u skladu sa aktom Javne ustanove.

Član 5.

Naknade predsjednicima i članovima Upravnih odbora iz člana 3. ove Odluke isplaćuju se po održanoj sjednici iz sredstava utvrđenih finansijskim planom Javnih ustanova.

Član 6.

Ugovor o angažovanju sa predsjednicima i članovima Upravnih odbora zaključuje direktor ustanove u skladu sa ovom Odlukom i drugim propisima u vezi sa radom Upravnih odbora.

Član 7.

Javne ustanove na koje se odnose odredbe ove Odluke dužne su uskladiti svoje akte u skladu sa ovom Odlukom najkasnije u roku od 30 dana od dana stupanja na snagu ove Odluke.

Član 8.

Za realizaciju ove Odluke zadužuje se Općinski načelnik i direktori Javnih Ustanova.

Član 9.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Zdravko Marošević

Odluka je objavljena na oglasnoj tabli Općine Vareš 01.04. 2014. godine.

OPĆINSKI NAČELNIK

Kovačević Avdija, dipl. pravnik

O B R A Z L O Ź E N J E

PRAVNI OSNOV

Sadržan je u članu 8. Zakona o principima lokalne samouprave, kojim se uređuje nadležnost jedinica lokalne samouprave za rješavanje pitanja od lokalnog značaja, a članom 13. utvrđena je nadležnost OV prema Javnim ustanovama, članom 25. Zakona o Javnim ustanovama utvrđeno je pitanje rada Upravnih odbora Javnih ustanova, članom 64. Zakona o zdravstvenoj zaštiti utvrđen je broj, način izbora i razrješavanja predsjednika i članova Upravnih odbora u zdravstvenim ustanovama, kao i druga pitanja, a članom 22. Statuta Općine Vareš, utvrđena je nadležnost Općinskog vijeća u donošenju Odluka i drugih propisa.

RAZLOZI ZA DONOŠENJE

Postupajući po Odluci Općinskog vijeća Vareš, broj: 01-105/00 od 31.10. 2000. godine, a cijeneći to, da pitanje naknada za članove organa upravljanja u Javnim preduzećima i ustanovama čiji je osnivač Općina već duže vremena nije riješeno, što za rezultat ima nerad ili neuspjeh u popunjavanju ovih organa, ukazuje se potreba da se ovo pitanje na jedinstven i ujednačen način riješi odlukom Osnivača.

Rad i funkcionisanje Zakonom utvrđenih organa u Javnim preduzećima i ustanovama, zavisi i od stimulativnih mjera odnosno utvrđivanja naknada za rad i angažman zavisno od materijalnih mogućnosti pravnog subjekta.

U tom pravcu predviđene su selektivne naknade, te predlažem Vijeću da Odluku u predloženom tekstu usvoji.

FINANSIJSKA SREDSTVA

Za realizaciju ove Odluke potrebna su finansijska sredstva, koje će Javna preduzeća i ustanove utvrditi u svom godišnjem planu rada.

OPĆINSKI NAČELNIK

Kovačević Avdija, dipl. pravnik